

MISA CON NENOS


31 de outubro de 2021

Ordinario 31º-B

Marcos 12, 28b-34:

“Amarás o Señor, teu Deus. Amarás o teu próximo”.

**Mensaxe: Ámote con todo o meu corazón,
a miña alma e a miña mente**



1. ACOLLIDA

Monitor:

Amigos e amigas: A mensaxe do domingo 31 do tempo ordinario é que o amor resúmeo todo. Amar a Deus e ao próximo non é o mesmo pero son inseparables, van da man, un esixe ao outro e complementáanse. O Papa Francisco di que o amor a Deus e ao próximo son “inseparables e complementarios, dúas caras dunha mesma moeda”. Se entendemos isto, comprenderemos o básico e principal do Evanxeo e o prioritario na vida que é amar, ese é o camiño da felicidade e da fidelidade a Deus.

SAÚDO do sacerdote:

Iniciamos esta eucaristía poñendo o amor a Deus no noso corazón, na nosa alma e no noso corpo, dicindo: *No nome do Pai...*

Deus que é un pai bo, cheo de amor, sexa convosco...

2. ACTO PENITENCIAL

Sacerdote: *Poñámonos agora en silencio ante Deus e recoñezamos os nosos pecados.*

- **Pai - nai:** Somos cristiáns seguidores de Xesús, pero non descubrimos a Deus como un pai de amor. *Señor, ten piedade de nós.*

- **Neno - nena:** Somos cristiáns seguidores de Xesús, pero non unimos fe e vida, amor a Deus e ao próximo. *Cristo, ten piedade de nós.*

- **Catequista:** Somos cristiáns seguidores de Xesús, cústanos amar e perdoar ao que nos fai dano. *Señor, ten piedade de nós.*

Sacerdote: *Deus todopoderoso ten misericordia de nós e lévanos á vida eterna. Amén*



3. PALABRA DE DEUS

MONICIÓN ÁS LECTURAS

O amor a Deus e ao próximo é a mensaxe fundamental deste domingo. Na primeira lectura escoitaremos: “amarás o Señor con todo o corazón, con toda a alma, con todas as forzas”, No Evanxeo Xesús engade: “Amarás o próximo como a ti mesmo”. Este é o centro da experiencia cristiá. Aquí está o auténtico culto a Deus.

LECTURAS

DEUTERONOMIO 6, 2-6: *Escoita Israel: Amarás o Señor con todo o teu corazón.*

Moisés falou ao pobo dicindo: «Teme o Señor, o teu Deus, ti, os teus fillos e netos, e observa todos os seus mandatos e preceptos, que eu che mando, todos os días da túa vida, a fin de que se prolonguen os teus días. Escoita, pois, Israel, e esmérate en practicalos, a fin de que che vaia ben e se multipliquen, como che prometeu o Señor, Deus dos teus pais, na terra que mana leite e mel. Escoita, Israel: O Señor é o noso Deus, o Señor é un só. **Amarás, pois, o Señor, o teu Deus, con todo o teu corazón, con toda a túa alma e con todas as túas forzas.** Estas palabras que eu che mando hoxe estarán no teu corazón».

Palabra do Señor.

SALMO 171

R/. Eu ámote, Señor; ti es a miña fortaleza.

HEBREOS 7, 23-28: *Como permanece para sempre, ten o sacerdocio que non pasa.*

MARCOS 12, 28b-34: *Amarás o Señor, teu Deus. Amarás o teu próximo.*

Narrador: Naquel tempo, un escriba achegouse a Xesús e preguntoulle:

Escriba: -«Que mandamento é o primeiro de todos?».

Narrador: Respondeulle Xesús:

Xesús: -«O primeiro é: “Escoita, Israel, o Señor, o noso Deus, é o único Señor: amarás o Señor, o teu Deus, con todo o teu corazón, con toda a túa alma, con toda a túa mente, con todo o teu ser”.

O segundo é este: “Amarás o teu próximo como a ti mesmo”. Non hai mandamento maior que estes».

Narrador: O escriba replicoulle:

Escriba: -«Moi ben, Mestre, sen dúbida tes razón cando dis que o Señor é un só e non hai outro fóra del; e que amalo con todo o corazón, con todo o entendemento e con todo o ser, e amar o próximo como a un mesmo vale máis que todos os holocaustos e sacrificios».

Narrador: Xesús, vendo que respondera sensatamente, díxolle:

Xesús: -«Non estás lonxe do reino de Deus».

Narrador: E ninguén se atreveu a facerlle máis preguntas.

Palabra do Señor.

(Narrador- Escriba – Xesús)

4. ORACIÓN DA COMUNIDADE

Sacerdote: *Abramos o noso corazón a Deus e presentémoslle todos os nosos anhelos dicindo:*

-Que o noso distintivo sexa o amor.

1. - Para que os que formamos a Igrexa valoremos a fe, o amor incondicional do Pai con todas as nosas forzas. *Oremos.*
- 2.- Para que escoitemos a Deus, adorémolo, atopémolo na oración e amemos o que el ama. *Oremos.*
- 3.- Para que crezamos no amor a Deus e nos desvivamos polos irmáns. *Oremos.*
4. - Para que, como dixemos no salmo, o Señor sexa a nosa fortaleza e seguridade. *Oremos.*
- 5.- Para que o mandamento do amor, como mandamento principal sexa o sinal que nos identifique a todos os cristiáns. *Oremos.*
- 6.- Para que tratemos aos nosos próximos con tolerancia, comprensión, solidariedade, xenerosidade e perdón. *Oremos.*
- 7.- Para que os enfermos e necesitados da nosa parroquia sintan en nós o amor preferente con que son amados por Deus. *Oremos.*



Sacerdote: *Ensínanos, Señor, a facer da túa Igrexa, unha Igrexa alegre, servidora, casa aberta para todos, amiga da humanidade, boa noticia para os pobres. Por XNS.*

5. PROCESIÓN DE OFRENDAS

- **TRES NENOS LEVAN TRES CANDEAS ACESAS**

Nesta semana imos celebrar o día de Todos os Santos e o dos Fieis defuntos. Damos grazas a Deus polo exemplo dos santos que son para nós un exemplo e un estímulo para vivir a santidad, especialmente polos “santos da porta da beira”, que chama o Papa Francisco, eses santos que conviviron connosco axudándonos a ser mellores. E un recordo cariñoso e cheo de esperanza para os defuntos que se nos foron para que axiña estean nas mans de Deus.

- **UNHA MOEDA GRANDE (ou o debuxo coas dúas caras):**

- Queremos que o amor a Deus e ao próximo sexan na nosa vida, inseparables e complementarios, dúas caras dunha mesma moeda.

- **PAN E VIÑO:**

- No pan e no viño, convertidos no Corpo e o Sangue do Señor, atopamos as forzas para amar a Deus con toda a alma e estender ese amor cada día aos nosos irmáns e irmás.

6. SUXESTIÓNS

- Para a homilía, as ofrendas ou para un cartel poderíanse preparar dous grandes aneis unidos entre si: o amor a Deus e o amor ás persoas son inseparables.

Tamén podería ser unha moeda grande coas dúas caras, tal como apuntouse nas ofrendas ou un corazón grande dividido en dous partes que están separadas pero únense.

-Tamén podemos invitar aos nenos ao final da homilía ou da misa a que se acheguen ao altar e o biquen mentres un le:

“Hoxe bicamos o altar e con este bico comprometémonos a querer máis a Xesús e como signo de que queremos cumprir o seu mandato, querernos máis os uns aos outros porque o amor é o principal”.

-Poderíase escribir nunha tarxeta de visita: nunha cara a palabra “recorda”, na outra as palabras do Deuteronomio na primeira lectura:

“Amarás o Señor con todo o teu corazón, con toda a túa alma, con todas as túas forzas”.

Dialogamos sobre o que cada un entende por esa frase e dando importancia a ter a Deus presente na nosa vida.

Daquela os nenos repártenllo a todos ao final da misa para que o recorden ao longo de toda a semana.

-Vede o vídeo “Es capaz”:

<https://www.youtube.com/watch?v=SQj4fpCA9h4> e preguntádevos que seriades capaces de facer por Xesús.

ORACIÓN DE GRAZAS

O mandamento do amor

Que bo, Señor, que o primeiro mandamento sexa o amor.

Non nos xulgarás por se te obedecemos,
nin polo que aprendemos,
nin sequera pola cantidade de oracións
que ti non necesitas pero a nós fannos tanto ben.

Ao final da vida xulgarásenos só
polo amor que teñamos dado:
se fomos amigos de todos, se saudamos a todos,
se compartimos e fixemos felices a moitos.

Señor, axúdanos a amar a Deus de corazón, con
todo a alma,
e ao próximo, ao próximo, en pequenos detalles,
porque o principal para o que che segue
é amar a todos e a ti que es o Todo,
porque si amámosche a ti, amarémosche
nos teus rostros pobres e seremos felices.

FELIZ DOMINGO, DÍA DEL SEÑOR.

RED CATEQUISTAS GALICIA

**“A CATEQUESE COMEZA NA CASA...
E CONTINÚA NA PARROQUIA”.**